



COMUNU DE ARMÙNGIA

PROVÌNCIA SUD SARDÌNNIA

C.A.P. 09040 Tel. 070-958123 – 070/9589135 – Fax 070-958076

protocollo@pec.comune.armungia.ca.it

<http://www.comune.armungia.ca.it/>

DELIBERATZIONI DE SA GIUNTA COMUNALI

N. 76 DE SU 19-09-23

CÒPIA

**Oggetto: Cursu de formazioni assùmius nous in is ufitzius
finanziàrius, apariciada dae ANCI Sardegna**

S'annu duamilabintitres, sa dì 19 de cabudanni a ora de is 19:25, in sa sala de is atòbius de su Comunu de Armungia s'est atobiada sa Giunta Comunalis in presèntzia de is signoris::

Quartu Antonio	Sindigu	P
Agus Giancarlo	Vice Sindigu	P
Ascedu Cristina	Assessori	P
Ferrelì Gabriele	Assessori	A

Arresurtant presentis n. 3 e assentis n. 1.

Partècipat cun funtzionis consultivas, de referèntzia e de assistèntzia e de verbalizatzioni (art. 97, c.4° lit.a) de su D.Lgs n° 267/2000, su segretàriu comunali Dot.. Mattei Giovanni;

Su Sindigu, bitu chi is interbènnius funt in nùmeru legali, decrarada aberta sa riunioni, invitat is cunvocaus delibera a pitzus de is argumentus postus a s'òrdini de is traballus de sa d':

Premìtiu ca de sa proposta de sa deliberatzioni in ogetu funt istètius propositus is sighentis parris cunforma a s' art. 49 de su D.Lvu 267/2000:

PARRI:	REGULARIDADI TÈNNICA :	
		Su Responsàbili F.u Casula Alessia Rita
PARRI:	REGULARIDADI contàbili :	
		Su Responsàbili F.u Casula Alessia Rita

SA GIUNTA COMUNALE

Premìtiu chi

- cun deliberatzioni de su Cuntzillu Comunali n. 4 de su 17.03.2023 esecutiva segundu sa lei, est stètiu aprovau su Documentu Ùnicu de Programatzioni Semplificau 2023 – 2025;
- cun deliberatzionu de su Cuntzillu Comunali n. 7 de su 28.03.2023, esecutivasegundu sa lei, est stètiu aprovau su Bilantzu de Previsioni 2023-2025, segundu su schema comenti in su d.Lgs. n. 118/2011;
- cun deliberatzioni de su Cuntzillu Comunali n. 22 de su 18.07.2023 est stètiu aprovau su torracontu 2022 e paperis relativus;

Premìtiu chi s'ANCI Sardegna, Arburada de Trieste 6, 09123 Casteddu C.F. 92016930924 - P.IVA: 02143310924, at organizau unu cursu de formatzioni pro is neoassùmius (intru 36 mesis) in is ufitzius finantziàrius cun durada de 7 diis formativas chi tenit a ogetu is sighbentis temàticas:

- 1 Su ciclu de programatzioni de is Amministratzionis Pùblicas segundu su printzipiu aplicadu de sa programatzione de su bilantzu;
- 2 Su ruolu de is ufitzius finantziàrius in is protzedimentus amministrativus
- 3 Is modalidadis de contabilizatzioni de is fatus gestionalis in basi de su printzipiu contàbili de sa cumpetèntzia finantziària afortigada.
- 4 Sa Gestioni de s'ufitziu tributus
- 5 Sa Gestioni de su personali dipendenti
- 6 Su Torracontu de sa Gestioni: sa contabilidadi econòmicu patrimoniali
- 7 Su Torracontu de sa Gestioni: su torracontu finantziàriu

Remonadu s'articulu 7 comma 4 de su D.lgs. 165/2001 chi narat in modu testuali “Is amministratzionis pùblicas curant sa formatzioni e s'aggiornamentu de su personali, in cui fintzas cuddu cun cualificas dirigèntzialis, garantendi puru s'adequamentu de is programmas formativus, po mori de contribui a s'isvilupu de sa cultura de gèneri de sa pùblica amministratzioni”;

Bitu s'articulu 57 comma 2 D.L. 124/2019 chi previdit chi a cumentzai dae s'annu 2020, a is regionis, a is provìntzias autònomas de Trentu e de Boltzanu, a is entis localis e a is organismus insoru e entis strumentalis comenti definidus dae s'articulu 1, comma 2, de su decretu legislativu 23 làmpadas 2011, n. 118, puru a is entis istrumentalis issoro in forma sotzietària, acabbant de s'aplicare is normas in matèria de cuntenimentu e de reduida de sa spesa po formatzione comenti in s'articulu 6, comma 13, de su decretu-lei 31 maju 2010, n. 78, cunvertiu, cun cambiamentus, de sa Lei 30 argiolas 2010, n. 122;

Abetadu chi su periodu 2022/2026 rapresentat unu ciclu de programatzioni ricu de impinnus normativus connètius fintzas a s'atuatzioni de su PNRR, chi bolit cumpetèntzias e professionalidadis fintzas dae su puntu de bista de sa programatzione, Gestioni e rendicontazione de is interventus finantziadus;

Verificadu chi su cursu organizau dae ANCI tenit a ogetu sa tratatzioni de is àmbitus de interventu printzipalis de is Ufitzius finantziàrius e puru is printzipalis novidadis normativas introdudas in is i àmbitus de interventuspetzificus, cun atentzioni particolari a su ciclu nou de programatzioni econòmicu finantziària aici comenti previdiu dae sa reforma previdia dae su d.lgs. 118/2011, in

s'identificazioni de is ruolus e de is responsabilidadi in s'àmbitu de custu ciclu cun atenzioni particolari a su rolu de su responsàbili finantziàriu;

Abetadu chi pro is diis de formatzione est prevìdiu unu cumpensu uguale a € 500,00 po partetzipante e cumprendit su materiali didàticu comenti schedas, dispensas e materiali de aprofundimentu, in prus de su servitziu de "agiudu informàticu tècnicu" po sa risoluzioni de dudas e crarimentus subra de is fainas operativas acumpridas a intru de is Ufitzius finantziàrius de is entis localis;

Retentu de autorizai sa dipendenti Alessia Rita Casula a sa partetzipazioni de su cursu in calidadi de neoassùmia;

Tentu contu de sa rilevàntzia e atualidadi de is temàticas chi ant a essi tratadas;

Cunsiderau chi in su bilanzu 2023 funt previdias risursas po sa formatzione de su personali dipendenti;

Bitus:

- 1) su D. lgs. n.267/2000;
- 2) su D. lgs n. 118/2011 e ss. mm e ii.;
- 3) su statutu de s'enti;
- 4) su regulamentu de contabili adi in vigèntzia;
- 5) su regulamentu de is ufitzius e de is servitzius;

Pigaus is parris a favori, segundu s'art. 49 de su D. lgs 267/2000, de regularidadi tècnica e contàbili espressaus dae su responsàbili de su servitziu finantziàriu;

Cun votazioni a favori espressa a manera comuna;

DELÌBERAT

1. de torrai a remonau su chi est stètiu narau in sa premissa po formai parti integranti e sustanziali de su presenti providimentu;
2. de autorizai sa dipendenti Alessia Rita Casula a sa partetzipazioni de su cursu in calidadi de neoassùmia;
3. de donai mandau a su responsàbili de su servitziu finantziàriu de impinnai e pagai sa summa de èurus 500,00 po sa formazioni professionali;

Cun votu istallau e sighenti e a s'unanimidadi de votus favorèvolis, espressaus in manera palis, sa deliberazioni presenti benit decrarada in deretura esecutàbili, a cunforma a s'art. 134 de su D. lgs. n.267/2000.

Lixu e aprovau, su verbali presenti benit firmau comenti sighit:

Sindigu
F.u Quartu Antonio

Su Segretàriu Comunali
F.u Dot. Mattei Giovanni